

جہانی طوئوشدیران شوبادردہ عظمائک نہایت بتون بشریت متفکرہ بی برباشقہ طریقہ تحسس وتفکرہ سوق ایدن نتیجہ سی بوکونہ قدر حاکم عالم بتون افکار وقناعتری تبدیل ایتدی بی برصیرادہ قرق بش عصرک نکہیان مقدراتی اولان ترک ملتک دہ شیمدی آرتق حالا بزماضی مر تجمک داٹما طور دیران وایلرولہ تمہین عمدہ لرینہ باغلانوب قالمسندہ کی فلاکت وفجاعتی تمامیلہ آکلا تمشدر . شیمدی سرحدلری ؛ رنکارنک بایراقلر والماسلی تاجارک زیر بار تحکمنده ایکی بوکلوم براتیقاد ایله ایکلیلمک محکوم قالمش باشقہ لسان ، باشقہ حس ، باشقہ حرث و عرف صاحی ملتر تعیین ایدہ میور ونہایت ہر ملت کندی وارلقی انجق کندی لسان وحرثیلہ چیزدیکی حدود داخلندہ کلہ نک عرفی و عرقی معناسیلہ شیمدی [محافظہ] ایتمکدن وحر یشامق ایچون ہر ملتک حر یشامق حقنی تسلیم ایلمکدن باشقہ چارہ سی اولمادیغنی تقدیر ایتمک مجبوریتندہ قالیور .

ایشته یارین انعقاد ایدہ جک اولان معظم صلح ماصہ سنک اطرافتہ طویلانہ جق اولانلر آرتق صوک سوزی سویلہ مک حقنی سیف غالبک ظل تحکمنہ التجا ایتمش اولانلرہ حق کلام ویرمہین دولتر دکل بلکہ بیوک کوچوک خوان تقدیر ربانیدن حصہ مشروعی المق ایستہین ملتردن عبارتدر .

بز تورکلردہ مدنیت شرقیہ غریبہ نقل ایدن وتاریخی ، تاریخ عالمہ باستلامش بر ملت اولق اعتباریلہ بتون بو ملتر کبی اک مشروع حق و حیات واستقلال مزى عدالت بشریہ نک تجلیکام شاملی اولہ جق شورای عمومی مللدن المق ایچون بو حیات فانیدہ ناصل عوامل مدنیتدن اولدیقمزى اثبات ایتمک ضرورتی قارشیندہ بز .

علمک ، ہر فانک وحقائق تاریخیہ نک آغوش نورانیسنہ وقناعت علمیلہ صیغینہ رق وارلقمزی اثبات ایتمک ایچون مرکزی ادرنہ دہ اولق اوزرہ [تراکیا - پاشا ایلی مدافعہ ہیئت عثمانیہ سی] نامیلہ بر جمعیت تشکیل ایتدک .

غایہ سی : غریب و شرقی اسکی ادرنہ ولایتی تشکیل ایدن [تراکیا] دہ یاسایان تورک ، ارمنی ، روم ، موسوی ، بولغار ملتری ایلہ برابر بوکون ادرنہ ولایتندہ (۱۰۹۴،۳۷۱) نفوس ساکن اولدینی حالہ بوندن (۶۱۵،۷۲۰) مقدارینک تورک و مسلمان اولدینی نظر دقتہ نتیجہ [جمعیت اقوام] عمدہ سنہ نظراً سکان ولایتک اقوام مختلفہ یہ نسبتہ نصفندن فضلہ سی تورک عرقی تشکیل ایلمہ سی نکامدقتہ آلدینی تقدیر دہ آرتق بز شیمدی شو [تورک و مسلمان] دعوائی جہان فضیلہ مالک بتون اقوام مدنیہ قارشو اک یوکسک ، اک کور سسمنزلہ مدافعہ ایتمکدن باشقہ یاپاجق بر ایشمز فلما مشدر .

ایشته بو غایہ ملی استهداف ایدن جمعیتمز ولایت عالمہ سی تشکیل ایدن سنجاچ ، قضا ، ناحیہ ، کوی اھالیسنک حیت وکفایتہ مراجعتہ بو خصوصدہ بزہ مادی و معنوی معاونتدہ بولمسی و ہر طرفدہ جمعیتمزک تمثللری اولق اوزرہ انتخاب ایدیلن ذوات محترمہ نک بزملہ ارتباطی محافظہ ایدہ جکی ایچون کندوسنک واقع اولہ جق تبلیغات و اشاراتہ اعتبار واعتماد ایلہ شو تشبث ملینک خیر آرائی حصول اولسنہ ہر طرفدن معاونت بیورلمسی اھمیتلہ توصیه ایلہرز .

مقصود بالذات استخلاص وطن ودعوائی ملیتمزک مدافعہ سی اولنچہ بتون [ترک و اسلام] اولادینک بویولہ دست بدست وفاق و مصافات اولہرق شوپک ثابت وحقلی دعوائک موفقیتلہ تنوج ایتمسہ معاونت بیورہ جقلرینہ قناعتمز اولدیغنی بیان ایلہرز . حکومت سنیہ جہ موجودیتمز رسماً تصدیق ایدلشدر . بناءً علیہ مقاصد عالیہ وطنیہ نک قارشوسندہ ہر درلو حسیس وسفیل حسارک صوصاجنی پک طبیعی اولمغلہ بویولہ بتون ادرنہ ولایتی اھالیسنک تا ، قارہ صودن مصطفی پاشایہ قدر بتون اسکی ادرنہ ولایتی خلقنک بزہ معاونت بیورہ جقلرینہ دائر حاصل اولان قناعتلہ اولاد مملکتی متحداً خدمتہ دعوت ایلہرز .

ہیئت ادارہ :

رئیس	اعضا	اعضا	اعضا ووزنہ دار
ادرنہ مفتیسی مستان اقدی	مبعوث فائق بک	بلدیہ رئیس شوکت بک	یولہ کلدیلی قاسم اقدی
اعضا	اعضا	اعضا	اعضا
مصطفی پاشا زادہ فتحی بک	دوقور رفعت عثمان بک	مقصود بک زادہ درویش بک	نظمی بک زادہ اسماعیل بک
اعضا	اعضا	اعضا	اعضا
مصطفی بک زادہ نیر بک	مفتی زادہ جمال بک		قومانی زادہ عمر اقدی
اعضا و مرخص	اعضا و کاتب		
آوو قات شرف بک	حافظ رضا اقدی زادہ علی سیف الدین اقدی		